

non dicitur, sed asseritur Judæos quidem ex se meruisse hanc servitutem, tamen de facto esse tributarios, et subditos civilitate subjectos, ut ibi notat Panorm., et exposuit D. Thomas 2. 2, q. 10, a. 12, ad 3, et 3 p., q. 68, a. 10, ad 2; Soto, in 4, dist. 5, art. 10, ad 2. Propria ergo ratio esse censetur, quia in communicatione cum Judeis majus periculum datur propter maiorem eorum pertinaciam, et christiana religionis odium. Nihilominus tamen existimo dictas prohibitions extendi etiam ad Saracenos, sen Mahometanos, quia talis extensio saepe exprimitur in jure, l. ultima, § ult., C. de Episcopis et clericis, c. Ad hæc, c. Cum sit nimis, c. In nonnullis, et c. ult., et c. Judæis, 2, de Judæis: tum etiam quia in ratione est æquiparatio, quia etiam isti infideles sunt hostes Christianorum, et eorum perversioem totis viribus procurant. Quoad alios vero infideles gentiles non videtur facta comprehensio in his juribus, ut notavit Saneius, in dict. c. 31, n. 25, cuius sententiam in hac parte probro. Et plura de his prohibitib. videri possunt in jurisperitis super dicta jura, et in Summistis, verbo *Judæus*, et D. Antonin., 2 p., tit. 12, cap. 3, necon in Azor, et Sancio, in locis citatis, qui plures alios referrunt; et hactenus de infidelitate.

## DISPUTATIO XIX.

DE INFIDELIBUS APOSTATIS, SEU HÆRETICIS, ET  
IMPRIMIS DE CULPA EORUM, QUÆ EST HÆRESIS.

*Quis dicatur apostata proprie et specialiter.* — Reduxi in superioribus infideles omnes ad duo capita: unum est eorum qui fidem catholicam nunquam professi sunt, et ideo non apostatae vocantur, de quibus in præcedentibus ultimis disputationibus late disserui; aliud est eorum infideli, qui post fidem aliquando receptam illam deseruerunt, seu sectando errores illi contrarios corruerunt, qui propterea infideles apostatae, et generali nomine hæretici vocantur, de quibus modo nobis disputandum est. Notavi autem in superioribus, proprio et speciali modo apostasiam a fide committere illum, qui post baptismum receperunt, quæ est peculiaris fidei professio, et janua Ecclesiæ, fidem relinquunt, et ab Ecclesia per infidelitatem separantur. Nam licet continere possit catechumenum jam credentem retrocedere a fide, priusquam baptizetur, et ideo generali quadam ratione apostata dici possit,

tamen illa apostasia, licet aggravet infidelitatem, non tamen novam malitiæ speciem inducit, ut in fine disputat. 16 notavi: et præterea in ordine ad poenas et jurisdictionem Ecclesiæ ille non tractatur ut apostata, ut in sequentibus dicam. Et ideo in præsenti solum de infidelibus apostatis primo modo tractamus, quia de illis infidelibus agimus, qui Ecclesiæ jurisdictioni subditi sunt.

Denique advertere oportet ex dictis etiam in superioribus, post baptismum posse aliquem a fide recedere per omnes infidelitatis species, scilicet per paganismum, si ex Christiano Saracenus, aut idololatra fiat; et per Judaismum, si abnegato Christo Judæus fiat; et per hæresim, si sub nomine christiano fidem Christi, et Catholicam, quam Ecclesia Romana profitetur, ex parte neget. Nihilominus tamen, quia ultimus hic modus apostataandi a fide frequentior est, et speciale rationem culpæ habet, ideo in præsenti tractatu principaliter de hæreticis dicendum est, maxime quod eorum peccatum; nam poenæ omnibus istis infidelibus apostatis communes sunt. Dicemus ergo primo de culpa hæresis; deinde de remedii contra hæreticos, quæ coactionem non includunt; ac tandem de poenis, seu coactione hæreticorum, sub illis omnibus infideles apostatas includendo.

## SECTIO I.

*Quid sit hæresis, præsertim quoad nominis etymologiam et significationem.*

1. *Quænam sit hæresis etymologia.* — *Hæresis tam pro electione veræ quam falsæ doctrinæ accipi potest.* — *Definire quid hæresis sit,* ait Augustinus in præfatione ad lib. de Hæresibus, omnino difficile est; et ideo paullatim in hac re procedemus, prius nomen, deinde rem ipsam explicando. Igitur de etymologia nominis hæresis multa et varia tradididerunt, tam jurisperiti quam Theologi, ut videri potest in Castro, lib. 1 de Hæresib., c. 1, et lib. 1 de Justa hæretic. punit., c. 1; et Cano, l. 12 de Locis, c. 9; et in Simanc., de Catholicis instit., titulo 30; et in Directorio Inquisit., 2 part., quæst. 1; et ibi Penna, commentar. 26. Et novissime in Farinac., l. 5 Variarum, tract. de Hæresi, q. 178, § 4, a num. 29, usque ad 41, qui multa eruditæ congerit de hac etymologia. Omissis tamen multis quæ nullo modo ad vocem pertinent,

sed ad rem per vocem significatam, vera etymologia est, vocem hæresim derivatam esse a verbo græco ἀρρενία, quod eligere significat, quia infidelis, proprio arbitrio doctrinam eligendo doctrinæ Ecclesiæ contrariam, in hæresim labitur. Ita tradit Tertullianus, lib. de Præscrip. hæret., c. 6 et 37; et Hieronymus ad Titum 3, et ad Galat. 5, et habetur in cap. *Hæresis*, 24, quæst. 3; idem secutus est Isidor., lib. 8 Etymologiarum, cap. 3; et Rabanus, in lib. de Institut. clericorum, lib. 2, c. 58; et D. Thomas 2. 2, q. 11, art. 1. Et tantorum virorum auctoritas sufficit ad hoc confirmandum, quia est disputatione tantum de voce; preterquam quod etymologia hæc maximam habet proportionem tam cum voce ipsa, quam cum re significata. Unde colligitur ex mente eorumdem Patrum vocem *hæresis* communem esse, tam philosophiæ, quam sacrae doctrinæ, et posse tam in bonam quam in malam partem accipi, id est tam pro electione veræ quam falsæ doctrinæ. Unde inter Philosophos, secta Platonis vel Aristotelis hæresis vocari potuit, et Actor. 5 vocatam legimus hæresim doctrinam Pharisæorum, cum tamen in fide non errarent ante Christi adventum, ut sumitur ex eod. lib. Actor., cap. 23 et 26, ubi etiam Paulus profitetur se fuisse Pharisæum, tanquam sequens veram de resurrectione doctrinam, in qua Pharisæi a Saduceis discrepabant.

2. *Ex usu Ecclesiæ pro electione doctrinæ malæ in materia sacra accipitur.* — Nihilominus tamen usus Ecclesiæ jam obtinuit ut hæc vox sic explicata ad electionem doctrinæ in materia sacra et fidei, et ut in malam partem accipiatur pro electione privatæ doctrinæ, contra catholicam et ab Ecclesia receptam. Cujus consuetudinis optimam rationem reddit Isidor., ex aliis antiquioribus Patribus, quia in doctrina sacra nihil nobis ex nostro arbitrio inducere licet, sed neque eligere quod aliquis de arbitrio suo induxit: *Apostolos enim Christi*, inquit, *habemus autores, qui neque ipsi quicquam ex suo arbitrio, quod inducerent, elegerunt, sed acceptam a Christo doctrinam fideliter nolis tradiderrunt.* Sicut ergo propria voluntas in malam partem accipi solet, pro ea quæ culpam involvit, quia hæc sola voluntate fit, et propriis ejus viribus, ita hæresis in malam partem accipitur pro electione illius doctrinæ, quæ ab inventione humana contra doctrinam traditam inducta est, habetque usus hic funda-

mentum in Scriptura; nam ad Galat. 5, inter vitia damnabilia ponitur *secta*, et græce habetur *hæresis*; et ad Titum 3, dicit Paulus hæreticum esse a se ipso damnatum; denotatur autem hæreticus ab hæresi, ut infra dicam, et dicitur esse damnatus a se ipso, quia electione proprii judicii condemnatur, ut 1 ad Corint. 11: *Necesse est*, inquit Paulus, *hæreses esse, ut qui probati sunt, manifesti fiant*; est ergo hæresis reprobationis signum; ergo in malam partem accipitur, quod ex aliis etiis locis Actorum, quæ statim notabimus, accipi potest.

3. *Fides catholica nomine hæresis significari nequit.* — Atque hinc certissimum est (ut a Doctoribus allegatis notatur) catholicam fidem non posse nomine hæresis significari, etiamsi in principio prædicationis evangelicæ a perversis hominibus, ut inquit Hieronymus ad Galat. 5, id est, a Judæis ita fuerit appellata. Unde Paulus, Actorum 24, sic inquit: *Secundum sectam quam dicunt hæresim, sic deserio Patri et Deo meo*; ubi non sine causa interposuit illam particulam, *quam dicunt*, sed ut denotaret non esse ita appellandam, quamvis a Judæis ita nuncuparetur; et c. 28, ubi in Vulgata legimus *de secta hac*, græce habetur *de heresi hac*; sunt autem illa verba Judæorum, qui nihil divinum in fide Christi credebant, sed humanum inventum esse cogitabant, et ideo hæresim illam appellabant; nullo tamen modo ita vocari potest; et ratio est, quia licet Christiana fides quantum ad assensum a voluntate libera pendeat, ac proinde sine electione creditis non fiat, nihilominus ipsa doctrina fidei non est ex adiunctione vel electione humana, sed ex divina revelatione, et voluntas ipsa, qua talis fides eligitur, non est principaliter ex arbitrio humano, sed ex gratia divina, et ideo hæresis vocari non potest; nam hæc vox electionem humana mere, et doctrinæ ab hominibus inventæ significat. Unde Theophylactus, in id Coloss. 2: *Secundum traditionem hominum: Hæreses, inquit, propterea dicuntur, quia humanae sunt opiniones; Christianorum autem dogma non est humanum, et propterea neque tale nomen consequitur*; et Origenes, apud Pamphylum, in Apolog. pro Origene, ex locis ad Galat., scilicet, et ad Tit. 3, citatis, colligit oportere nos, sicut cætera mala, ita etiam nomen hæresis omnino devitare.

4. *Fides christiana nec secta appellari potest.* — Sed quæret aliquis obiter quid dicendum sit de nomine sectæ; aliqui enim putant

posse christianam fidem sine inconvenienti sectam appellari; nam Paulus, citato loco Actorum 24, quasi ex propria sententia suam fidem sectam vocat, postea aliis attribuit quod illam vocent heresim, et ita nominata est a Philone, in lib. de Vita contemplativa, quem refert et non improbat Eusebius, 1. 2 Historie, cap. 16, alias 17; imo etiam Cyprianus ita loquitur in ep. 23, ubi Pamelius idem notat, et alia loca ejusdem Cypriani et Tertulliani refert. Et ratio reddi potest, quia secta dicitur a sectando vel sequendo, ut ait Isidorus, lib. 8 Etymolog., c. 3; Christiani autem sequuntur doctrinam fidei; cur ergo non poterit secta vocari? Nihilominus dico idem esse nunc de secta ac de heresi sentendum; nam, considerata illa voce, secundum generalem impositionem et etymologiam, indifferens est, ut probat ratio facta; et ita potuit olim in bono sensu christiana fidei attribui; jam vero usu receptum est ut illa vox, attributa doctrinae vel opinioni in materia fidei, in malam partem accipiatur, et idem quod heresis significet, quod notavit Beda, Actor. 24; et ideo ubi vulgatus interpres habet *secundum sectam*, ipse vertit *secundum viam*; nam graeca vox id revera significat; est autem illa vox multo magis ad significandam fidem catholicam accommodata, quia via necessaria est ad salutem; unde idem interpres, ad Galat. 5, et Actor. 28, ubi habetur grecæ nomen *heresis*, latine ponit *secta*, et ita etiam nunc communus usu hereticos sectarios vocamus, ut eos a infidelibus distinguamus. Et ratio optima est, quia secta significat particularē doctrinam, quae in materia revelata heretica est, nam vera fides universalis est et catholica; et ideo secta dici non potest.

5. *Definitio heresis inquiritur, ac tandem traditur.* — Atque ex his, quae de nomine heresis diximus, facile est descriptionem heresis colligere. Nam primo describi potest quod sit electio alicujus doctrinæ, quam aliquis putat meliorem in materia fidei, quam sit doctrina ab Ecclesia tradita, qua descriptio colligitur ex Hieronymo ad Gal. 5, et ex c. *Heresis*, 24, q. 3. Alii describunt esse errorem pertinacem contra doctrinam et veritatem christiana fidei, ut videre est in Cano, 1. 12 de Locis, c. 8, qui aliquid addendum putat, ut heresis ab aliis infidelitatibus distinguatur, nimirum, quod talis error sit in homine christiano; quod videtur consentaneum his quae supra de speciebus infidelitatis diximus, sed indiget explicatione, quam infra, expli-

cando conditiones heresis et heretici, trademus. Circa illas ergo descriptiones advenit, quod sicut fides partim est in intellectu, partim in voluntate, ita etiam heresis; nam sunt contraria, et oppositorum eadem est ratio, servata proportione. Et hinc fit ut heresis describi possit, et per voluntatem in ordine ad intellectum, et per intellectum, ut subditur voluntati. Nam si heresis consideretur ut est culpa gravissima in materia fidei, sic principaliter est in voluntate, et in electione prævæ doctrinæ, nam omnis culpa principaliter ad voluntatem pertinet, et hoc modo data est prior descriptio; si autem consideretur heresis ut opponitur intellectuali fidei, sic in intellectu existit, ut est error contrarius fidei; oportet autem ut sit voluntarius, imo et cum aliqua pertinacia, ut infra dicemus, et ita est eligenda secunda descriptio.

6. *Tria necessaria ad heresim referuntur.* — Ex quibus omnibus colligere licet tria ad heresim concurrere, ac necessaria esse, scilicet, materiam seu doctrinam circa quam heresis versetur, judicium erroneum intellectus, et voluntatem qua talis doctrina taleque judicium ejus eligitur. Quæ tria, si ordine executionis seu generationis, ut sic dicam, comparentur, ita se habent, ut heresis a voluntate incipiat, et ex illa sequatur judicium, et inde ad falsam doctrinam tradendam procedatur; at vero secundum ordinem intentionis, necesse est ut precedat propositione falsæ doctrinæ cum aliquo judicio de credibilitate ejus, nam illa doctrina comparatur ad voluntatem tanquam objectum ejus, et ideo necesse est ut in illo ordine præcedat; deinde vero sequitur voluntas amplectendi talem doctrinam per judicium aliquod per talem voluntatem imperatum. Hæc igitur tria ordine positio sunt a nobis declaranda, ut rem ipsam, id est, culpam heresis, distinctius exponamus.

## SECTIO II.

*Quot sint gradus damnabilium propositionum in doctrina sacra, et quis illorum sit propria materia, circa quam heresis versatur.*

1. *Definitur propositio damnabilis.* — *Propositionis damnabilis variae species.* — Damnabilis propositio in Theologia dicitur, quæ non solum falsa est in latitudine humanae opinonis, sed etiam aliqua peculiari censura seu igno-

minosa qualificatione, ut sic dicam, digna est. Nam propositio vera, ut per se notum est, non potest esse damnabilis; omnis ergo propositio damnabilis falsa esse supponitur, et aliquid additur ultra communem gradum falsitatis; nam idecirco specialiter damnabilis esse dicitur; sub hoc ergo genere particulares gradus, seu quasi species numerantur a Theologis, nam quædam propositio dicitur heretica, alia erronea, alia sapiens heresim, alia male sonans, alia temeraria, alia scandalosa, alia piarum aurium offensiva, item injuriosa, blasphemica, et si quæ aliae sunt similes; quæ enumeratio præcipue sumpta videtur ex Concilio Constantiensi, sessione 8, in sententia damnationis articulorum Wicleph., et sessione decima quinta, in sententia damnationis Joan. Huss. Et confirmari potest ex Bulla Pii V et Greg. XIII contra Michaelem Baium, nam iisdem fere verbis quasdam illius auctoris sententias dicti Pontifices damnarunt<sup>1</sup>. Atque ita hujusmodi propositiones distinxerunt, et ex professo explicarunt, variis Doctores, Theologici, et Canonistæ. Attigit D. Anton., 2 p. Theologali, tit. 12, c. 5; latius Turrecr., in Summa de Eccles., lib. 4, p. 2, c. 8, et sequentib.; Albertin., tract. de Dignoscendis assertionibus fidei, q. 6 et seqq.; Simanc., in Instit., tit. 54; Castro, lib. 1 de Justa hereticorum punitione, cap. 3, et sequentib.; Cano, l. 12 de Locis, a c. 8; Corduba, in questione, l. 1, q. 17; Penna, in Directorio, 2 p., comment. 26 et 27, post quæst. 2 et 3; Sylvest., verbo *Heresis*, q. 4; et aliqui ex modernis expositoribus D. Thomæ 2. 2, q. 41, art. 1 et 2; ratio autem hujus enumerationis non potest melius tradi, quam singula membra explicando.

2. *De propositione heretica.* — *Prima opinio.* — Primum ergo inquirendum est quæ dicatur, vel sit propositio heretica; in quo duo sunt dicendi modi: primus est, propositionem non dici hereticam absolute, et secundum se sumptam, sed respective in ordine ad proferentem; nam eadem propositio, si cum pertinacia et animo heretico proferatur, erit heretica, non vero si ex ignorantia aut bona fide; ita sensit Cajetanus, dicta q. 11, art. 1; et sequitur Cano, dicto c. 8, qui varia inducit fundamenta; summa vero illorum est, quia non potest dari heres sine pertinacia, ut infra videbimus; ergo nec propositio dici potest heretica, nisi animo pertinaciam.

4. *Declaratur a contrario.* — *Confirmatur.* — Praeterea ratione declaratur, quia propositio non est vera, vel falsa per ordinem ad dicentem, sed per ordinem ad rem quam significat, nam ex eo quod res est aut non est, propositio vera, vel falsa est; sed propositio heretica imprimis supponitur falsa, et per

<sup>1</sup> Consule Prolegom. 6 de Grat., c. 2.